

## 讀幼稚園个厝(下) 江秀鳳(四縣腔)

有一年暑假過，學校轉學來一個外國人同學，頭那毛金黃金黃，面膜仔白淨白淨，目珠仁係藍色个，當像漫畫(mang\ga\)人物个人公仔，還得人惜哪！逐擺下課个時節，厝就會行到厥位仔咬佢，一擺、兩擺分厝咬著，厝試著當好搞，下後佢看著厝行過去，就跋起腳走分厝逐，歸節下課，厝兩儕就在運動坪走相逐，逐到上課个時，先生看著厝兩儕大汗披身，汗水奪(tod)過衫濕透透(teu)，就拿阿姆準備好淨利个衫分厝換。

過有一擺先生喊厝拿剪刀分佢，厝摺利利該片拿分先生，先生講摺刀仔摺剪刀分人，做毋得摺利利該片對等人，愛摺有柄該片分人，因爭厝讀幼幼班，吾姆還毋肯分厝摺刀、摺剪，故所毋知，承蒙先生教厝，一生人就記得了。

在台中戴太平該央時，厝讀台中市个幼稚園，厝係頭一個上車，盡尾一個下車，坐「娃娃車」在大街小巷換來換去愛坐點零鐘，這隻幼稚園个先生當好盡惜厝，逐擺轉屋會摺厝換淨俐个衫褲，長頭那毛摺厝拼到靚靚。有一年熱天放棄，屋下附近新開一間幼稚園，來吾屋下招生，吾姆想厝逐日愛恁早炕床，坐點過鐘个車仔去幼稚園忒辛苦，該間係新教育个「蒙特梭利」教法，就摺厝換新學校，去無幾日，厝就毋肯上車，見上車就噉濫濕蕊，吾姆無奈何，錢就納忒了，先生日日就摺厝強強捕上車，放學轉來頭那毛纒頭絞髻，黏等頸根，盧哥挨塞，分畫圖个色料膏著个衫褲也無換無抵，下後吾姆渡厝去摺靚靚个長頭那毛剪忒，厝在電毛店抗議到緊奮(bin\)，從頭噉到尾，轉到屋幾下日無愛搭吾姆，吾姆仰般拐就無效，到這下還會怨嘆。該學期吾該條巷仔个細人仔，做盡無去該間新幼稚園讀矣！

該學期讀忒，吾姆好聲好氣摺厝參詳，問厝轉去「瑞光幼稚園」好無？毋過又愛當早炕做得無？厝暢到緊領頭，倒轉去頭擺个幼稚園，日日又淨淨俐俐轉屋，先生也盡惜厝，成半年吾長那頭毛又做得拼毛辮了了，毋使阿姆喊炕床，自家聽著鬧鐘仔響，就會換衫褲著鞋襪歡歡喜喜去讀書。

2018.5.3 在台中 55 號公車頂回程